

4-Year Curriculum and Credit Framework for UG Programme
Under NEP-2020
Department of Bengali
Aliah University, Kolkata

Course Outcomes (CO)

বাংলা আমাদের রাজ্যের মাতৃভাষা এবং এই ভাষা ও সংস্কৃতির ইতিহাস সহস্রাধিক বছরের ঐতিহ্যে পরিপূর্ণ। ন্যাশনাল এডুকেশন পলিসি-২০২০-এর অন্তর্গত ৪ বছরের কারিকুলাম অ্যান্ড ক্রেডিট ফ্রেমওয়ার্ক অনুসারী এই পাঠক্রমের মাধ্যমে বাংলা ভাষা ও বাঙালি সংস্কৃতির বিভিন্ন দিকগুলিকে অনুপুঞ্জভাবে অধ্যয়ন করা যেমন সম্ভব হবে, তেমন অপরাপর ভাষা-সংস্কৃতির সঙ্গে সংযোগের ফলে বাংলা ভাষা ও সাহিত্যের আজকের রূপটি কীভাবে গড়ে উঠল তাও জানা সম্ভব হবে। পাশাপাশি শিক্ষার্থীরা এই পাঠক্রমের দ্বারা লিখন ও ব্যবহারিক দক্ষতাও অর্জন করতে পারবে। এই লক্ষ্যে বাংলা ভাষা ও সাহিত্য বিষয়ক কোর্সগুলি কয়েকটি শ্রেণিতে বিভক্ত করা হয়েছে, যথা— Major Core Course (MCC), Major Discipline Specific Elective (MDS), Minor Course (MIN), Multi-Disciplinary Course (MDC), Ability Enhancement Course (AEC), Skill Enhancement Course (SEC), Value Added Course (VAC), Summer Internship (SIP), Research Project/ Dissertation (PRJ).

Major-Core Courses (4 Credits each)

Course Code: BNGUGMCC1101

Course Title: Bangla Sahitya : Prabeshok Path/ বাংলা সাহিত্য : প্রবেশক পাঠ

CO1: এই কোর্সটি বাংলা ভাষা ও সাহিত্যে পাঠগ্রহণের ক্ষেত্রে প্রারম্ভিক কোর্স। এই কোর্সের মাধ্যমে উচ্চশিক্ষায় সদ্যপ্রবিষ্ট শিক্ষার্থী অনুধাবন করবে প্রথাগত সাহিত্যপাঠ ও সাহিত্য আন্দোলনের মধ্যকার সম্পর্ক।

CO2: কবিতা, গান ও ছড়ার পারস্পরিক সম্পর্ক ও পার্থক্য বুঝতে পারবে শিক্ষার্থী।

CO3: লোকায়ত ছড়া ও আধুনিক ছড়ার প্রভেদ বুঝতে সমর্থ হবে।

CO4: নির্বাচিত রচনা পাঠ করে কবিতা, গান ও ছড়ার বিবর্তনের রূপরেখা স্পষ্ট হবে।

CO5: মনোজ্ঞ কিছু নির্বাচিত নাটকের মাধ্যমে সাহিত্যবোধ গড়ে উঠবে।

CO6: জাতক কাহিনি, রূপকথা ও ভিন্নধারার গল্পের মাধ্যমে গল্পরীতি ও ছোটগল্প সম্পর্কে সুস্পষ্ট ধারণা গড়ে উঠবে।

CO7: শিক্ষার্থী শিশু-কিশোর সাহিত্যের ধারা সম্পর্কে অবগত হবে এবং প্রাপ্তবয়স্কদের সাহিত্যের সঙ্গে শিশু-কিশোর সাহিত্যের পার্থক্য কোথায় তা জানতে পারবে নির্বাচিত রচনা পাঠের মাধ্যমে।

Course Code: BNGUGMCC1102

Course Title: Bhashabijnan-I/ ভাষাবিজ্ঞান-১

C01: যে-কোনো ভাষার সাহিত্য সম্পর্কে জানতে গেলে সেই ভাষা সম্পর্কে ন্যূনতম জ্ঞান আবশ্যিক। এই কোর্সের মাধ্যমে শিক্ষার্থীরা বাংলা ভাষার উৎস ও ক্রমবিবর্তন সম্পর্কে জানতে সক্ষম হবে।

C02: বাংলা ভাষার ধ্বনিতত্ত্ব সম্পর্কে প্রাথমিক ধারণা লাভ করতে পারবে।

C03: বাংলা ভাষার রূপতত্ত্বের বিভিন্ন দিক সম্পর্কে বুঝতে সমর্থ হবে।

C04: বাংলা শব্দভাণ্ডার, বাংলা শব্দার্থ পরিবর্তনের ধারা স্পষ্ট হবে।

C05: আন্তর্জাতিক ধ্বনিমূলক বর্ণমালা সম্পর্কে ধারণা গড়ে উঠবে ও লিপ্যন্তর শিখবে।

Course Code: BNGUGMCC1203

Course Title: Bangla Sahityer Itihas : Pragadhunik Jug/ বাংলা সাহিত্যের ইতিহাস: প্রাগাধুনিক যুগ

C01: এই কোর্সের মাধ্যমে শিক্ষার্থীরা বাংলা সাহিত্যের ইতিহাসের যুগবিভাগ, প্রাক-প্রাচীন ও প্রাচীন যুগের বঙ্গসংস্কৃতি, তুর্কি আগমন পর্ব এবং সমাজ-সংস্কৃতিতে তার প্রভাব, বাংলা সাহিত্যের মধ্যযুগ ও যুগসন্ধি সম্পর্কে জ্ঞাত হবে।

C02: প্রাচীন ও মধ্যযুগের বাংলা সাহিত্যের বিভিন্ন শাখা সম্পর্কে ঐতিহাসিক দৃষ্টিভঙ্গিতে জ্ঞান অর্জন করতে পারবে।

C03: সমাজ-সংস্কৃতিতে চৈতন্যাবদান ও সম্পর্কিত সাহিত্যধারা সম্পর্কে জানতে সমর্থ হবে।

C04: বাংলা মঙ্গলকাব্যের বিবর্তনের রূপরেখা স্পষ্ট হবে।

C05: প্রণয়োপাখ্যানের ধারা সম্পর্কে বোধ গড়ে উঠবে।

C06: ইসলামি সাহিত্য সম্পর্কে সুস্পষ্ট ধারণা গড়ে উঠবে।

C07: যুগসন্ধি ও মধ্যযুগের অবসান ঘটে আধুনিক যুগ সূচনার আর্থ-সামাজিক-ধর্মীয়-সাংস্কৃতিক প্রেক্ষাপট সম্পর্কে তাদের ধারণা স্পষ্ট ও গভীর হয়ে উঠবে।

Course Code: BNGUGMCC1204

Course Title: Pragadhunik Bangla Sahitya Path/ প্রাগাধুনিক বাংলা সাহিত্য পাঠ

C01: এই কোর্সে প্রাগাধুনিক বাংলা সাহিত্যের কয়েকটি নির্বাচিত টেক্সট গভীরভাবে অনুধ্যান করা হবে।

C02: বৈষ্ণব পদাবলির তত্ত্ব এবং উল্লেখযোগ্য পদকর্তাদের রচিত বিভিন্ন পর্যায়ের নির্বাচিত পদ পাঠের মাধ্যমে তাদের তাত্ত্বিক ও সাহিত্যিক জ্ঞান অর্জিত হবে।

C03: শাক্ত পদাবলির তত্ত্ব এবং অষ্টাদশ শতাব্দীতে শাক্ত পদাবলি বিস্তারের আর্থ-সামাজিক প্রেক্ষাপট সহ উল্লেখযোগ্য পদকর্তাদের রচিত বিভিন্ন পর্যায়ের নির্বাচিত পদ পাঠের মাধ্যমে তাদের ধারণা স্পষ্ট ও গভীর হয়ে উঠবে।

C04: বাংলা মঙ্গলকাব্যের বিবর্তনের ধারায় মুকুন্দ চক্রবর্তীর চণ্ডীমঙ্গল-এর আখ্যেটিক খণ্ড-এর অনুপুঞ্জ পাঠ লাভ করবে।

C05: প্রণয়োপাখ্যানের ধারায় দৌলত কাজির 'সতীময়না-লোরচন্দ্রাণী' সম্পর্কে পাঠ লাভ করবে।

Ability Enhancement Courses (4 Credits each)

Course Code: UCCUGAEC1101/ UCCUGAEC2301

Course Title: Bangla Bhasha O Sahitya/ বাংলা ভাষা ও সাহিত্য

- C01: আধুনিক ভারতীয় ভাষা হিসেবে বাংলা ভাষা সম্পর্কে প্রাথমিক ধ্যান-ধারণা তৈরিতে সহায়ক হবে এই কোর্সটি।
- C02: বাংলা ব্যাকরণের কিছু অংশ ছাত্রছাত্রীদের অত্যাবশ্যক দক্ষতা নির্মাণ করবে।
- C03: ইংরেজি থেকে বাংলায় অনুবাদ করার ক্ষমতা অনুশীলিত হবে।
- C04: বোধ পরীক্ষণের মাধ্যমে তাদের পাঠদক্ষতা ও বোধশক্তি অনুশীলিত হবে।
- C05: পত্ররচনা, অনুচ্ছেদ রচনার দ্বারা শিক্ষার্থীর লিখন দক্ষতা বৃদ্ধি পাবে।
- C06: শিক্ষার্থীরা বাংলা কবিতা, প্রবন্ধ, ছোটগল্পের নির্বাচিত পাঠের মাধ্যমে সমৃদ্ধ হবে।

Multi-Disciplinary Courses (3 Credits each)

Course Code: BNGUGMDC1101

Course Title: Bangla Sahitye Sampriiti Bhabna/ বাংলা সাহিত্যে সম্প্রীতি ভাবনা

- C01: সমন্বয় ও সম্প্রীতির তত্ত্বগত দিক সম্পর্কে ধারণা গড়ে উঠবে।
- C02: ধর্মীয়-সামাজিক-মানবিক-সাংস্কৃতিক সম্প্রীতি সম্পর্কে সংবেদনশীলতা গড়ে উঠবে।
- C03: প্রাসঙ্গিক রচনা অবলম্বনে প্রাগাধুনিক ও আধুনিক কাব্য-কবিতায় সমন্বয়-সম্প্রীতিভাবনা সম্পর্কে ধারণা লব্ধ হবে।
- C04: নির্বাচিত কথাসাহিত্য ও নাটকে সম্প্রীতিভাবনা জ্ঞাত হবে।

Skill Enhancement Courses (3 Credits each)

Course Code: BNGUGSEC1101

Course Title: Likhan Dakshata/ লিখন দক্ষতা

- C01: বাংলা সাহিত্য ও সংস্কৃতির কোনো বিষয় অবলম্বনে যুক্তিক্রম রক্ষা করে প্রবন্ধ রচনার মাধ্যমে শিক্ষার্থীর লিখন দক্ষতা বৃদ্ধি পাবে।
- C02: এই কোর্স ছাত্রছাত্রীদের বিজ্ঞাপন ও প্রতিবেদন রচনা সম্পর্কে ব্যবহারিক জ্ঞান অর্জন করতে সাহায্য করবে।
- C03: কাহিনিসূত্র থেকে গল্প নির্মাণ করার দক্ষতা অর্জিত হবে।
- C04: ব্যক্তিগত ও প্রাতিষ্ঠানিক পত্ররচনার ক্ষমতা অনুশীলিত হবে।

Course Code: BNGUGSEC1202

Course Title: Byaboharik Bangla/ ব্যবহারিক বাংলা

- C01: অনুবাদ, অনুবাদের প্রকারভেদ, অনুবাদ তত্ত্ব সম্পর্কে প্রাথমিক ধারণা গড়ে উঠবে।
- C02: ইংরেজি থেকে বঙ্গানুবাদ এবং বাংলা থেকে ইংরেজিতে অনুবাদ করার দক্ষতা বৃদ্ধি পাবে।

CO3: বাংলা পরিভাষা সম্পর্কে ধারণা গড়ে উঠবে।

CO4: বানানবিধি ও প্রুফ সংশোধন করার পদ্ধতি সম্পর্কে অবগত হবে।

CO5: গ্রন্থ সমালোচনা করতে শিখবে।

CO6: সাহিত্য ও চলচ্চিত্রের পারস্পরিক সম্পর্ক সম্পর্কে জানতে পারবে এবং চিত্রনাট্য রচনার পদ্ধতি অধিগত হবে।

CO7: বাংলা সাহিত্যের চলচ্চিত্রায়ণ সম্পর্কে নির্বাচিত পাঠগ্রহণের মাধ্যমে আখ্যানের মাধ্যমগত রূপান্তরের প্রক্রিয়া শিক্ষার্থীর কাছে পরিস্ফুট হবে।

Programme Outcomes (PO)

বাংলা মেজর সহ চার বছরের স্নাতক পাঠক্রমে অংশগ্রহণ করার পর শিক্ষার্থীরা নিম্নলিখিত জ্ঞানমূলক/ দক্ষতামূলক যোগ্যতা অর্জন করতে সমর্থ হবে—

PO1: একজন সচেতন শিক্ষার্থী বাংলা ভাষা ও সাহিত্যের কালানুক্রমিক, বিষয়ভিত্তিক ও বিশ্লেষণাত্মক পাঠ লাভ করার পর চিন্তাশক্তি ও সৃজনশীলতা উভয় দিক থেকে ঋদ্ধ হয়ে উঠবে।

PO2: শিক্ষার্থীর বাস্তববোধ, সামাজিক সংযোগক্ষমতা ও বৌদ্ধিক বিকাশ পরিপূর্ণ হয়ে উঠবে।

PO3: বাংলা সাহিত্যকে রাজনৈতিক, সামাজিক, সাংস্কৃতিক মাত্রায় সংযুক্ত করে বিচার করার প্রবণতা তৈরি হবে। এর ফলে শিক্ষার্থীর সাহিত্যবোধে গভীরতা সৃষ্টি হবে।

PO4: বিশ্লেষণাত্মক দৃষ্টিভঙ্গিতে সাহিত্যপাঠ শিক্ষার্থীদের নীতি-নৈতিকতা-মূল্যবোধের পাঠদান করে প্রকারান্তরে রাষ্ট্র গঠনে সূনাগরিক হওয়ার মানসিকতায় উদ্বুদ্ধ করবে।

PO5: দক্ষতা প্রবর্ধক পাঠক্রমগুলি শিক্ষার্থীদের ক্ষেত্রে ব্যবহারিক ও অনুশীলনমুখী হয়ে উঠবে।

PO6: মৌলিক বিষয় ও সুনির্দিষ্ট ক্ষেত্র অবলম্বনে গবেষণার প্রতি আগ্রহ গড়ে উঠবে।

PO7: স্নাতক স্তরের সুপরিকল্পিত এই পাঠক্রম শিক্ষার্থীদের অপরাপর ভাষা ও সংস্কৃতির সাহিত্যের প্রতি আগ্রহী করে তুলবে। ফলে ব্যাপক অর্থে তাদের পাঠ পরিসর বৃদ্ধি পাবে ও চিন্তাচেতনার ব্যাপ্তি ঘটবে।

Programme Specific Outcomes (PSO)

বাংলা মেজর সহ চার বছরের স্নাতক পাঠক্রমে অংশগ্রহণ একজন শিক্ষার্থীকে বাংলা ভাষা ও সাহিত্যকে নিবিড়ভাবে অনুধাবন করতে সাহায্য করবে। বাংলা ভাষা ও সাহিত্যের কালগত পরিবর্তন, সমাজ-সংস্কৃতির পালাবদল, সাহিত্য ও সমাজের পারস্পরিক প্রভাব, বহিরাগত ভাবধারার আপতন এবং অপরাপর সংস্কৃতিতে বাংলা সাহিত্যের প্রভাব, বিষয়-আঙ্গিক-তাত্ত্বিক নানাদিক শিক্ষার্থীর দৃষ্টিভঙ্গিতে আনবে পরিণতমনস্কতা। স্নাতক পাঠক্রম শিক্ষার্থীকে বিভিন্ন সম্ভাবনার দ্বারপ্রান্তে উপনীত করবে, যেমন—

PSO1: উচ্চতর শিক্ষালাভে আগ্রহ তৈরি হবে।

PSO2: গবেষণামূলক কাজে ছাত্রছাত্রীরা উৎসাহিত হবে।

PSO3: বাংলা ছাড়াও তুলনামূলক সাহিত্য, গ্রন্থাগার বিজ্ঞান, শিক্ষাবিজ্ঞান, সাংবাদিকতা ও গণজ্ঞাপন, মানবীবিদ্যা, চলচ্চিত্রবিদ্যা প্রভৃতি আন্তঃসম্পর্কীয় বিষয়ে উচ্চশিক্ষার সম্ভাবনা তৈরি হবে।

PSO4: বিদ্যালয়, মহাবিদ্যালয়, বিশ্ববিদ্যালয় ও বিভিন্ন গবেষণাকেন্দ্রে কর্মনিযুক্তির সম্ভাবনা গড়ে উঠবে।

PSO5: প্রিন্ট ও ইলেকট্রনিক মিডিয়া, প্রকাশনা সংস্থায় কাজের সুযোগ গড়ে উঠবে।

PSO6: সরকারি ও বেসরকারি নানান সংস্থার মাধ্যমে অথবা ব্যক্তিগত উদ্যোগে উন্নয়নমূলক সামাজিক কর্মসূচিতে অংশগ্রহণের সম্ভাবনা থাকবে।